



## COMUNE DE ULA

### Provìntzia de Aristanis

Pratza Itàlia, 1 - 09080 Ula – C.F. 0007051953

Tel. 0783 61000 – Posta eletrònica: [sociale@comune.ulatirso.or.it](mailto:sociale@comune.ulatirso.or.it)

---

**Bandu pro sa cuntzessione de su rimborsu de sas ispesas de viàgiu a favore de sos istudiantes pendulares de s'iscola segundària superiore, residentes in su Comune de Ula.**

#### SU RESPONSÀBILE DE SU SERVÌTZIU

#### DE S'ÀREA AMMINISTRATIVA – SETORE SERVÌTZIOS SOTZIALES

In esecuzione de sa lege regionale n. 31 de su 25 de làmpadas 1984, art. 7, lit. a) e mudaduras e integraziones fatas a pustis e cunforme a su Regulamentu Comunale pro s'assignazione de su contributu a sos interessados aprovalu cun deliberazione de su Consìgiu comunale n. 36 de su 25/11/2005;

#### FAGHET PÙBLICU

Ca dae sa data de publicazione de custu bandu e a intro e no a pustis de sas **13:00 de su 3 de austu 2021**, sos interessados podent presentare domanda pro otènnere su rimborsu de sas ispesas tentas in s'annu iscolàsticu 2020/2021.

#### Destinatàrios

Sos destinatàrios de s'interventu sunt sos istudiantes pendulares residentes in su Comune de Ula, iscritos e chi ant frequentadu sos istitutos de istruzione segundària superiore e artistica e sos cunservatòrios musicales, pùblicos o privados, custos ùltimos bastat chi siant abilitados a emìtere títulos de istùdiu vàlidos pro s'Istadu. Sunt esclùdidos sos cursos de formazione professionale.

#### Cuantifica de su contributu

Su rimborsu pertocat sas ispesas tentas a beru e chi si podent documentare dae parte de sos rechedentes e at a èssere dadu cun protzedura de su cuncursu. Sa graduatòria at a èssere fata dae su responsàbile de su servìtziu respetende sos critèrios indicados in su regulamentu aprovalu dae su Consìgiu Comunale.

Su rimborsu at a èssere a tenore de s'ispeza chi serbit pro lòmperu a s'iscola prus acanta chi siat de su matessi tipu de cussa frequentada dae s'istudiante. Su rimborsu de sas ispesas tentas dae sos dischentes pro viàgios cun mezu privadu at a èssere possibile si mancant o non bastant sos mezos pùblicos e s'importu de su rimborsu atzetadu at a èssere paris a cussu de su mezu pùblicu.

Non sunt atzetados sos rimborsos pro ispesas de viàgiu pro lòmperu a Istitutos foras de su territòriu regionale.

Ca sos mezos pùblicos non bastant cheret nàrrere: non bastant comente cantidade de sos mezos o pro sa cantidade de persones chi podent portare e chi viàgiant in sos percursos interessados, oràrios de sos servìtzios chi cumportant graves e documentados ritardos pro s'oràriu iscolàsticu de sos istudiantes o chi depant abarrare meda in foras de s'iscola in antis o a pustis de sas lezioni. Dae s'ISEE presentadu dae ogni istudiante sunt istabilidas tres fàscias:

<b>Fàscia</b>	<b>Fàscia Rèditu ISEE</b> (Indicadore situatzione econòmica ecuivalente)	<b>Coeffiziente atribuidu</b>
1 <sup>u</sup>	Fintzas a èuros 6.000,00	1
2 <sup>u</sup>	Fintzas a èuros 12.000,00	0,9
3 <sup>u</sup>	Pro importos superiores a èuros 12.000,00	0,8

A sas tres fàscias sunt dados sos coeffizientes chi ddis atenent e chi sunt de multiplicare pro su totale de sas ispesas tentas dae ogni istudiante. Sa tzifra tenta gasi si depet multiplicare pro sa pertzentuale de cobertura de su fundu totale a disponimentu in cunfrontu a su totale de sas ispesas de viàgiu chi si podent atzetare. S'importu chi nde resurtat at a èssere cussu chi tocat a ogni istudiante.

### **Summa a disponimentu**

Pro assignare su contributu a sos chi nde tenent diritu sa summa complessiva a disponimentu pro s'annu iscolàsticu 2020/2021 est de € 1.000,00 de pònnere in contu in su capìtulu n. 10450508, articulu 1 de su bilàntziu de prevision pro s'esertìtziu finantiàriu 2021.

### **Iscadèntzia pro presentare sas demandas**

Sa domanda si depet presentare, **paris cun sa documentatzione pedida e cumpilada a manera giusta e in ogni parte sua**, a incuru de sos interessados, a s'ufitziu protocollu de su Comune de Ula a intro e no a pustis de sas **13:00 de su 3 de austu 2021**, pena s'esclusione.

### **Documentatzione de allegare a sa domanda**

Paris cun sa domanda de contributu, cumpilada sighende s'ischema aprontadu a manera apòsita dae sos ufìtzios comunales, si depent presentare:

- autotzertificatzione chi pertocat sa frequèntzia iscolàstica;
- documentatzione chi atestat sas ispesas tentas a beru: abbonamentos de viàgiu de s'annu iscolàsticu 2020/2021 – dae cabudanni 2020 a màiu 2021;
- tzertificatzione ISEE de su nùcleu familiare in cursu de valididade;
- fotocòpia documentu identidade, in cursu de valididade, de su rechedente.

Àteros crarimentos e informatziones si podent pedire a sos ufìtzios de su Servìtziu Sotziale Comunale in custas dies: lunis (a mangianu), martis(a mangianu e a merie) e chenàbura (a mangianu ebbia).

Su Responsàbile de su Servìtziu

Danilo COSSU

(MM)